



1/19/2024

*SMJERNICE
privrednim društvima za
organiziranje nagradne
igre na teritoriji
Federacije Bosne i
Hercegovine*

Organizovanje nagradnih igara definisano je odredbama Zakona o igrama na sreću („Službene novine Federacije BiH“, br. 48/15 i 60/15), te odredbama Pravilnika o sadržaju pravila, uslovima i načinu priređivanja nagradnih igara („Službene novine Federacije BiH“, br. 30/16, 63/19, 92/20, 12/22 i 67/23) koja su javno dostupna na linku:

www.fmf.gov.ba » Propisi » Zakon o igrama na sreću » Zakon ili Pravilnik

Nagradna igra :

- je igra koju radi promocije svojih proizvoda i usluga priređuju privredna društva lica, pri čemu se priređivač igre obavezuje izvučenim sretnim dobitnicima, kao i dobitnicima podijeliti nagrade u robi ili uslugama a da se pri tome od učesnika ne zahtijeva posebna uplata za učestvovanje u nagradnoj igri.
- ne smatra se društvenom igrom znanja (kvizi). Društvena igra znanja (kviz), jest igra koja se odvija pred javnošću, a u kojoj se u vještini, spretnosti i znanju iz različitih područja takmiče jedan ili više unaprijed kvalifikovanih učesnika prema pravilima priređivača uz obavezno prisustvovanje učesnika mjestu priređivanja kviza, pri čemu pobjeda zavisi isključivo o postignutim rezultatima u zadanoj tematici. U društvenu igru znanja jedan ili više unaprijed kvalifikovanih igrača uključuje se isključivo na temelju iskazane vještine i spretnosti, odnosno znanja
- ne može biti priređena po pravilima igara na sreću, a priređivač nagradne igre ne može formirati fond dobitaka uplatama učesnika nagradne igre.
- može imati max ukupnu vrijednost nagradnog fonda kojeg sačinjavaju proizvodi i usluge čija se vrijednost utvrđuje po tržišnim cijenama, do 200.000,00 KM

Ukoliko želite organizovati nagradnu igru na teritoriji Federacije Bosne i Hercegovine, ovom organu potrebno je dostaviti sljedeće:

- zahtjev za organizovanje nagradne igre (slobodna forma zahtjeva),
- Pravila nagradne igre (pravila trebaju biti ovjerena i protokolirana Vašim brojem protokola i datumom, jer će se i ti podaci nalaziti na rješenju),
- kopija Ugovora sa telecom operaterom (samo ukoliko se nagradna igra priređuje putem SMS poruka),
- dokaze u uplatama naknada i taksi (zajedno sa federalnom taksenom markicom od 5,00KM – brojevi transakcijskih računa za iste navedeni su ispod),
- izvod iz sudskog registra (kopija) i JIB broj (kopija).

Zahtjev sa popratnom dokumentacijom dostavlja se ovom **organu najkasnije 15 dana prije dana određenog kao početak nagradne igre.**

Navedenu dokumentaciju možete donijeti lično (od 8:00 – 14:00 – rad sa strankama na protokolu) ili poslati poštom na adresu:

Federalno ministarstvo financija/finansija
Ulica Mehmeda Spahe br. 5
71000 Sarajevo

Privredna društva koja priređuju nagradne natječaje i nagradne igre imaju obavezu da unaprijed **uplate 6% od ukupne vrijednosti nagradnog fonda** i to ravnomjerno po 1,5% na slijedeće račune udruženja/humanitarnih organizacija:

Naziv Humanitarne organizacije	Broj računa	Naziv banke
CRVENI KRIŽ/KRST FBIH	161-000-00008500-22	Raiffeisen Bank d.d.BiH
„CARITAS VRHBOSANSKE NADBISKUPIJE“ („CUNS“): ILI „CARITAS BISKUPIJE BANJA LUKA“ ILI „CARITAS BISKUPIJA MOSTAR-DUVNO I TREBINJE-MRKAN“	154-999-5000095-816 154-921-2000710-646 338-100-2200597-215	INTESA SANPAOLO BANKA D.D. BiH INTESA SANPAOLO BANK, P.J. BANJA LUKA UNICREDIT BANK d.d.
MERHAMET“ MDD	134-660-1007022-076	ASA Banka d.d. Sarajevo
SHU „DOBROTVOR“	101-101-0000225-173	Privredna banka dd Sarajevo

Osim navedenog, *potrebno je da* u skladu sa Zakonom o federalnim upravnim taksama i Tarifi federalnih upravnih taksi (“Službene novine Federacije“ br. 6/98, 8/00, 45/10, 43/13 i 98/17), kao priređivači nagradnih igara, *unaprijed uplatite i 50,00 KM takse na rješenje*, kao i da na zahtjev za odobravanje priređivanja nagradne igre *kupite i naljepite 5,00 KM federalne upravne tekse (taksena markica)*.

Za uplatu takse od 50 KM podaci su sljedeći:

Svrha doznake Taksa na rješenje

PrimalacBudžet Federacije BiH

Broj računa na koji se plaća 102-05-00000-106698

(UNION BANKA dd Sarajevo)

Vrsta prihoda 722112

Budžetska organizacija 1601001

Poziv na broj 0000000000

PRIMJERAK PRAVILA

PRAVILA NAGRADNE IGRE

“_____”
(naziv nagradne igre)

1. OSNOVNE INFORMACIJE O PRIREĐIVAČU NAGRADNE IGRE

Priredivač nagradne igre (u daljem tekstu: Organizator) je _____ (naziv Organizatora), sa sjedištem u _____ (adresa sjedišta Organizatora), i (jedinstveni identifikacioni broj) JIB _____.

2. NAZIV NAGRADNE IGRE

Naziv nagradne igre je _____.

3. TRAJANJE I SVRHA PRIREĐIVANJA NAGRADNE IGRE

- 1) Nagradna igra traje u periodu _____ (od – do), a priređuje se u svrhu promocije vlastitih proizvoda i usluga, _____. (mogu se navesti pojedini brendovi, proizvodi, otvaranje nove trgovine i sl.)
- 2) Nagradna igra organizuje se na teritoriji Federacije Bosne i Hercegovine.
- 3) Organizator će prije početka nagradne igre, objaviti Pravila nagradne igre u jednim dnevnim novinama dostupnim na teritoriji Federacije Bosne i Hercegovine, i navesti broj i datum Rješenja Federalnog ministarstva finansija, kojim je data saglasnost na ova Pravila.
- 4) Organizator će obezbjediti sve preduslove tokom trajanja ove nagradne igre, kojima će u najvećoj mogućoj mjeri omogućiti obavezno izvlačenje dobitnika svih nagrada i podjelu cjelokupnog nagradnog fonda.
- 5) Organizator će nagradnu igru provesti pod uslovima, koji su u skladu i sa drugim zakonskim i podzakonskim propisima i opštim moralnim načelima.
- 6) Za vrijeme trajanja nagradne igre, pravila su dostupna i na _____ (npr. web stranici, facebook, instagram i sl).

4. USLOVI UČESTVOVANJA U NAGRADNOJ IGRI

- 1) Pravo učešća u nagradnoj igri imaju fizička lica, koja _____ (ko može biti učesnik, te jasno navesti radnje i aktivnosti koje fizičko lice treba izvršiti da bi steklo status učesnika u nagradnoj igri).
- 2) Svaki učesnik u nagradnoj igri može učestvovati _____ (ukoliko učesnik može više puta učestvovati u nagradnoj igri potrebno je detaljno pojasniti način učestvovanja).
- 3) U nagradnoj igri ne mogu učestvovati _____ (navesti ko NE MOŽE učestvovati. Npr. uposlenici Organizatora i suorganizatora (ako postoji i suorganizator), njihov član uže ili šire porodice (može se detaljnije navesti taksativno popis srodnika) i slično).
- 4) Učestvovanjem u nagradnoj igri učesnici prihvataju ova Pravila nagradne igre.

5. NAČIN IZVLAČENJA DOBITNIKA NAGRADA

- 1) Javno izvlačenje dobitnika će se održati _____ (mjesto, datum i sat izvlačenja).
- 2) Za svaku nagradu izvlači se i po _____ (navesti broj) alternativnih dobitnika, koji se smatra dobitnikom u slučaju da prvobitno izvučeni dobitnik ne ispunjava uslove (npr. dobitnik izjavi da je izgubio fiskalni račun, ukoliko je propisano da je dužan imati ga u posjedu i sl.) ili u slučaju da prvobitnog dobitnika nije moguće obavijestiti o osvajanju nagrade u roku od 8 dana, jer je naveo nepostojeću ili pogrešnu adresu ili kontakt

telefon. (ova tačka važi ukoliko se odlučite da pored glavnog dobitnika izvlačite i jednog ili više alternativnih dobitnika).

6. SASTAV KOMISIJE ZA IZVLAČENJA NAGRADA

(1) Organizator će imenovati Komisiju (najmanje tri člana), koja će nadgledati regularnost javnog izvlačenja dobitnika.

(2) O toku izvlačenja Komisija će voditi zapisnik koji će minimalno sadržavati:

a) mjesto, vrijeme i način izvlačenja dobitnika (ne navodi se samo ukoliko je Pravilima propisano da nagradu osvajaju svi učesnici koji ispune uslove za osvajanje nagrade (npr. pošalju na adresu priređivača propisan broj omota ili ambalaže nekog proizvoda i sl.)

b) broj i datum Rješenja Federalnog ministarstva finansija,

c) datum i naziv medija u kojem su pravila nagradne igre objavljena,

d) imena i prezimena članova komisije,

e) imena, prezimena i adrese dobitnika

f) naziv i vrijednost nagrade pojedinog dobitnika.

7. FOND NAGRADA

1) Nagradni fond se sastoji od: _____ (navesti vrste i broj nagrada, zatim pojedinačnu tržišnu vrijednost svake nagrade kao i ukupnu vrijednost nagradnog fonda. Kod navedenog, potrebno je obratiti pažnju da se nagradni fond može sastojati isključivo od proizvoda i usluga. Napominjemo da se nagradni fond ne može formirati od novca, plemenitih metala, kao ni vrijednosnica i drugih sredstava koja se mogu koristiti u platnom prometu.)

Primjer tabele sa ukupnim i pojedinačnim iznosima nagrada

NAGRADE		Pojedinačna vrijednost nagrade sa PDV (KM)	Količina (kom)	UKUPNA VRIJEDNOST sa PDV (KM)
1		00,00	0	00,00

2) Nagradni fond se ne može zamijeniti za novac. Dobitnik nema pravo zahtijevati drugačiju nagradu ili nagradu čija vrijednost prelazi iznos naveden u ovom članu Pravila.

NAPOMENA: Ukoliko se nagradni fond sastoji, između ostalog, i od poklona i/ili potrošačkih kartica, važno je napomenuti da je moguće karticu koristiti samo za kupovinu proizvoda i usluga, a ni u kojem slučaju se NE može koristiti kao bankovna kartica, odnosno kao zamjena za novac. Nije dozvoljeno ni podizanje novca na bankomatima ni na šalterima banaka. Takođe, ukoliko je jedna od nagrada putovanje, Priređivač je dužan detaljno pojasniti: šta uključuje putovanje/turistički aranžman, odgovornost Priređivača i/ili putničke agencije preko koje se aranžman provodi, da li je potrebna viza, u slučaju da je trošak putovanja iznad vijednosti putovanja i ko snosi dodatne troškove, u slučaju da je trošak putovanja ispod vijednosti nagrade, šta sa razlikom vrijednosti, do kada se treba iskoristiti putovanje, kako postupati u slučaju kada je maloljetno lice pratnja, ko snosi odgovornost u toku i do kraja korišćenja nagrade)

8. NAČIN OBAVJEŠTENJA I OBJAVLJIVANJA DOBITNIKA NAGRADA

1) Priređivači su dužni najkasnije u roku od 8 dana od dana izvlačenja, obavijestiti dobitnike o osvojenim nagradama.

2) Rezultati nagradne igre i imena dobitnika nagrada biće objavljeni i na _____ (navesti mjesto objave, npr. web stranica i sl.).

3) Ukoliko zbog okolnosti za koje nije kriv Organizator (dostavljeni pogrešni lični podaci od strane učesnika, učesnik se ne nalazi na navedenoj adresi, vanredne okolnosti i sl.), nije moguće obavijestiti dobitnike nagrada, Organizator će postupiti u skladu sa članom 11. Pravilnika o sadržaju pravila, uslovima i načinu priređivanja nagradnih igara.

9. MJESTO I ROK ZA PODIZANJE NAGRADA

- 1) Dobitnici će preuzeti osvojene nagrade _____ (gdje) i _____ (kada) (Pravilnikom o sadržaju pravila, uslovima i načinu priređivanja nagradnih igara je propisano da ovaj rok iznosi najkasnije 30 dana od dana prijema obavijesti o osvojenoj nagradi.)
- 2) Ako dobitnik u roku od 30 dana od dana prijema obavijesti o osvojenoj nagradi, ne preuzme osvojenu nagradu, gubi pravo na nagradu, a Organizator će postupiti u skladu sa članom 11. Pravilnika o sadržaju pravila, uslovima i načinu priređivanja nagradnih igara.
- 3) Ukoliko je dobitnik maloljetnik (navesti ovo u zavisnosti šta je propisano u uslovima učestvovanja – ko ima pravo učestvovati u nagradnoj igri), nagrada će biti uručena roditelju/staratelju s kojim maloljetnik živi, pri čemu je roditelj/staratelj dužan priložiti validnu dokumentaciju, odnosno dokument kojim dokazuje status roditelja/staratelja.
- 4) Prilikom preuzimanja nagrade dobitnik je potpisuje izjavu o preuzimanju nagrade. (Ovisno o načinu dostavljanja nagrade koji je predvidio organizator u svojim Pravilima, putem pošte ili dostavne službe ili lično kod Organizatora)
- 5) Organizator je odgovoran za pravovremeno i tačno informisanje učesnika u nagradnoj igri o njegovim pravima i obavezama kod preuzimanja nagrada. Odgovornost organizatora nagradne igre, ne prestaje u slučaju kada je dobitniku uručena nagrada koja predstavlja uslugu, a realizaciju iste vrši drugo lice (npr. u slučaju da je nagrada putovanje, odgovornost snose i Organizator i putnička agencija).
- 6) Priređivač ne preuzima nikakvu odgovornosti za bilo kakvu štetu koja bi eventualno nastala kao posljedica nakon preuzimanja ili korištenjem proizvoda iz nagradnog fonda.
- 7) Porez na dohodak na nagradu ostvarenu učešćem u nagradnoj igri, obračunat će se u skladu sa propisima o porezu na dohodak. Prilikom preuzimanja nagrada, u slučaju da vrijednost nagrade podliježe obavezi plaćanja poreza, Dobitnik je dužan dostaviti Priređivaču potvrdu o plaćenom porezu što je preduslov za dobivanje nagrada. osim ako organizator preuzme obavezu

10. USLOVI POD KOJIM SE NAGRADNA IGRA MOŽE IZMJENITI, PREKINUTI ILI OTKAZATI

- 1) Pravila nagradne igre ne mogu se mijenjati nakon što je nagradna igra počela, osim ukoliko za to postoje opravdani razlozi ili zbog nastupanja okolnosti više sile.
- 2) U slučaju prekida ili otkazivanja nagradne igre usljed nastupanja vanrednih okolnosti, organizator će o navedenom obavijestiti Federalno ministarstvo finansija.
- 3) Federalno ministarstvo finansija daje saglasnost na izmjenu pravila igre, prekid i otkazivanje nagradne igre, ukoliko su razlozi zbog kojih se traži dokazani od strane Organizatora ili opštepoznati, a Organizator će učesnike o navedenom obavijestiti na isti način na koji su objavljena ranije odobrena pravila nagradne igre.
- 4) Ukoliko nagradni fond nakon završetka nagradne igre ne bude podjeljen učesnicima na način predviđen Pravilima ove nagradne igre (usljed isteka roka za podizanje nagrada, nepostojanje dovoljnog broja učesnika i sl.) ili zbog eventualnog prekida odnosno otkazivanja igre usljed dejstva okolnosti koje imaju karakter više sile, organizator će nagradni fond prodati, a sredstva ostvarena prodajom uplatiti ravnomjerno na račune humanitarnih organizacija navedenih u članu 17. stav (1) Zakona o igrama na sreću.

11. KORIŠĆENJE LIČNIH PODATAKA

- 1) Učešćem u nagradnoj igri, učesnici potvrđuju prihvaćanje ovih Pravila i daju saglasnost Organizatoru da prikuplja i obrađuje navedene lične podatke isključivo u svrhu provođenja ove nagradne igre i na način kako je to opisano u ovim Pravilima. Prikupljeni lični podaci koriste se za samo evidenciju Organizatora.
- 2) Organizator je odgovoran za obradu podataka u skladu sa propisima o zaštiti ličnih podataka, i poduzeti će sve potrebne mjere da bi se osiguralo sigurno korištenje i obrada ličnih podataka učesnika u nagradnoj igri i u skladu sa važećim propisima, a učesnici imaju pravo da budu informisani o činjenici da se podaci prikupljaju i da budu upoznati sa podacima.
- 3) Učesnik u nagradnoj igri je odgovoran za davanje tačnih podataka Organizatoru, u cilju provođenja ove nagradne igre.

4) Učesnici prihvatanjem ovih Pravila daju svoju saglasnost da, ako postanu dobitnici nagrada, organizator može prosljediti njihove lične podatke trećim licima (odabranoj dostavnoj službi isključivo u svrhu dostave osvojene nagrade u nagradnoj igri, u računovodstvene svrhe radi eventualnog plaćanja poreza na dohodak), isključivo u svrhu provođenja ove nagradne igre.

5) Svojim učešćem u nagradnoj igri učesnici su saglasni da, ako postanu dobitnikom nagrade, njihove lične podatke (ime i prezime) Priređivač može objaviti i iskoristiti bez naknade u štampanom, zvučnom i slikovnom obliku te videozapisu. Učesnici nagradne igre svojim učešćem pristaju na prikupljanje, upotrebu i objavu njihovih ličnih podataka navedenih u korisničkom profilu u promotivne svrhe povezane s nagradnom igrom i proizvodima koji su uključeni u nagradnu igru.

6) Organizator će lične podatke učesnika čuvati onoliko vremena koliko je to potrebno za potpunu realizaciju ove nagradne igre.

7) Učesnik može u bilo kojem trenutku povući svoju saglasnost za obradu ličnih podataka dopisom na adresu Organizatora, i prihvata da takvo povlačenje saglasnosti uzrokuje nemogućnost daljnjeg učešća u nagradnoj igri.

12. NADLEŽNOST SUDA

1) Sve žalbe, prigovore i reklamacije rješava Priređivač nagradne igre. U slučaju opravdanih pritužbi, Priređivač se obavezuje da će ih otkloniti u najkraćem mogućem roku i obavijestiti učesnika.

2) Svi eventualni sporovi između Priređivača i učesnika odnosno dobitnika rješavaće se sporazumno.

3) U slučaju da spor nije moguće riješiti sporazumno, isti rješava materijalno nadležni sud.

(mjesto i datum),

Potpis i pečat odgovornog
lica Organizatora

(broj Vašeg protokola)